

BOLETIN OFICIAL

DEL

OBISPADO DE OSMA.

Este BOLETIN se publica ordinariamente los días 15 y 30 de cada mes, pudiendo anticiparse ó retrasarse algún número, cuando las necesidades del servicio lo reclamen y así lo disponga el Prelado. La colección será objeto de Santa Visita.

La Administración del BOLETIN está á cargo de la Secretaría de Cámara, donde se admiten suscripciones, mediante pago anticipado de 6 pesetas al año. A las fábricas se hará cada semestre el descuento estrictamente necesario.

SANTA PASTORAL VISITA.

El día 5 por la tarde llegó nuestro Ilmo. y Reverendísimo Prelado á la Villa de San Martín de Rubiales para continuar desde allí la Santa Visita Pastoral en el extremo noroeste del Obispado. Hasta la fecha presente lleva visitadas S. Sria. Ilma. y Rvma. las siguientes parroquias: día 6, San Martín de Rubiales, Mambrilla y Valcabado de Roa; 7, 8 y 9, las tres de Roa, habiendo celebrado Misa Pontifical el 8 en la excolegiata de Santa María con grandísima concurrencia de todos los pueblos comarcanos; 10, Pedrosa, Villaescusa y Guzmán; 11 Bohada, Quintanamavirgo y Anguix; 12, Olmedillo y Villavela; 13, Villatuelda, Pinillos y Terradillos y 14, Sotillo y Quintana del Pidio.

Tenemos las noticias más satisfactorias, así de la salud de nuestro amadísimo Prelado en medio de las rudas é incesantes tareas que su ardiente celo le impone en el desempeño de su sagrado ministerio durante la Santa Visita, como del entusiasmo con que es recibido por los pueblos, de la avidez y docilidad

con que acuden á escuchar de sus autorizados lábios la divina palabra, y de los abundantes frutos de santificación que al calor de la gracia celestial se obtienen en las almas.

SANCTISSIMI DOMINI NOSTRI

LEONIS

DIVINA PROVIDENTIA

PAPAE XIII

EPISTOLA ENCYCLICA

AD PATRIARCHAS PRIMATES ARCHIEPISCOPOS EPISCOPOS

ALIOSQVE LOCORVM ORDINARIOS

PACEM ET COMMVNIONEM CVM APOSTOLICA SEDE HABENTES

VENERABILIBVS FRATRIBVS

PATRIARCHIS PRIMATIBVS ARCHIEPISCOPIS EPISCOPIS

ALIIQVE LOCORVM ORDINARIIS

PACEM ET COMMVNIONEM CVM APOSTOLICA SEDE HABENTIBVS

LEO PP. XIII

VENERABILES FRATRES

SALVTEM ET APOSTOLICAM BENEDICTIONEM

Adiutricem populi christiani potentem et clementissimam, Virginem Dei Matrem, dignum est et magnificentiore in dies celebrare laude et acriore fiducia implorare. Siquidem argumenta fiduciae laudisque auget ea varia beneficiorum copia, quae per ipsam affluentior quotidie in commune bonum longe lateque diffunditur. Nec beneficentiae tantae profecto a catholicis officia desunt deditissimae voluntatis; quum, si unquam alias, his nimirum vel acerbis religioni temporibus, videre liceat amorem et cultum erga Virginem beatissimam excitatum in omni ordine atque incensum. Cui rei praeclaro sunt testimonio restitutae passim multiplicataeque in eius tutela so-

dalitates; eius nomini augusto splendidae dedicatae aedes; peregrinationes ad sacratoria eius templa actae frequentia religiosissima; convocati coetus, qui ad eius gloriae incrementa deliberando incumbant; alia id genus, per se optima fausteque in futurum significantia. Atque id singulare est Nobisque ad recordationem periucundum, quemadmodum multiplices inter formas eiusdem pietatis, iam ROSARIUM MARIALE, ille tam excellens orandi ritus, in opinione et consuetudine latius invalescat. Id Nobis, inquit, periucundum est, qui, si partem curarum non minimam promovendo Rosarii instituto tribuimus, probe videmus quam benigna optatis Nostris adfuerit exorata Regina caelestis: eamque sic Nobis confidimus adfuturam, ut curas quoque aegritudinesque lenire velit quas proximi allaturi sunt dies.—Sed praecipue ad regnum Christi amplificandum uberiora Nobis adiumenta ex Rosarii virtute expectamus. Consilia quae studiosius in praesentia urgemus, de reconciliatione esse dissidentium ab Ecclesia nationum, haud semel ediximus; simul professi, felicitatem eventus, orando obsecrandoque divino Numine, maxime quaeri oportere. Id etiam non multo antehac testati sumus, quum per sollemnia sacrae Pentecostes, peculiare preces in eam causam divino Spiritui adhibendas commendavimus: cui commendationi magna ubique alacritate obtemperatum est. At vero pro gravitate rei perarduae, proque debita omnis virtutis constantia, apte facit hortamentum Apostoli: *Instate oratione* (1); eo vel magis quod tali instantiae precandi suavius quoddam incitamentum bona ipsa coeptorum initia admovere videantur. Octobri igitur proximo nihil sane fuerit, Venerabiles Fratres, neque proposito utilius, neque acceptius Nobis, quam si toto mense vos populique vestri, Rosarii prece consuetisque praescriptis, Nobiscum apud Virginem

(1) Col. iv, 2.

Matrem pientissimi insistatis. Praeclarae quidem sunt causae cur praesidio eius consilia et vota Nostra summa spe committamus.

Eximiae in nos caritatis Christi mysterium ex eo quoque luculenter proditur, quod meriens Matrem ille suam Iōanni discipulo matrem voluit relictam, testamento memori: *Ecce filius tuus*. In Ioanne autem, quod perpetuo sensit Ecclesia, designavit Christus personam humani generis, eorum in primis qui sibi ex fide adhaerescerent: in qua sententia sanctus Anselmus cantuariensis: *Quid, inquit, potest dignius aestimari, quam ut tu, Virgo, sis mater quorum Christus dignatur esse pater et frater* (1)? Huius igitur singularis muneris et laboriosi partes ea suscepit obiitque magnanima, consecratis in Cenaculo auspiciis. Christianae gentis primitias iam tum sanctimonia exempli, auctoritate consilii, solatii suavitate, efficitate sanctarum precum admirabiliter fovit; verissime quidem mater Ecclesiae atque magistra et regina Apostolorum, quibus largita etiam est de divinis oraculis quae *conservabat in corde suo*.—Ad haec vero dici vix potest quantum amplitudinis virtutisque tunc accesserit, quum ad fastigium caelestis gloriae, quod dignitatem eius claritatemque meritorum decebat, est apud Filium assumpta. Nam inde, divino consilio, sic illa coepit advigilare Ecclesiae, sic nobis adesse et favore mater, ut quae sacramenti humanae redemptionis patrandi ministra fuerat, eadem gratiae ex illo in omne tempus derivandae esset pariter ministra, permissa ei paene immensa potestate. Hinc recte admodum ad Mariam, velut nativo quodam impulsu adductae, animae christianae feruntur; cum ipsa fidenter consilia et opera, angores et gaudia communicant; curaeque ab bonitati eius se suaque omnia filiorum more commendant. Hinc rectissime delata ei in omni gente omnique ritu am-

(1) *Or.* XLVII, *Olim* XLVI.

pla praeconia. suffragio crescentia saeculorum: inter multa, ipsam *dominam nostram, mediatricem nostram* (1), ipsam *reparatricem totius orbis* (2), ipsam *donorum Dei esse conciliatricem* (3).—Et quoniam munerum divinorum, quibus homo supra naturae ordinem perficitur ad aeterna, fundamentum et caput est fides, ad hanc ideo assequendam salutariterque excolendam iure extollitur arcana quaedam eius actio, quae *Auctorem edidit fidei*, quaeque ob fidem *beata est saluta: Nemo est, o sanctissima, qui Dei cognitione repleatur, nisi per te; nemo est qui salvetur, nisi per te, ó Deipara; nemo, qui donum ex misericordia consequatur, nisi per te* (4). Neque is nimius certe videbitur qui affirmet, eius maxime ductu auxilioque factum ut sapientia et instituta evangelica, per asperitates offensionesque immanes, progresione tan celeri ad universitatem nationum pervaserint, novo ubique iustitiae et pacis ordine inducto. Quod quidem sancti Cyrilli alexandrini animum et orationem permovit, ita Virginem alloquentis: *Per te Apostoli salutem gentibus praedicarunt....; per te Crux pretiosa celebratur toto orbe et adoratur....; per te fugantur daemones, et homo ipse ad caelum revocatur; per te omnis creatura idolorum errore detenta, conversa est ad agnitionem veritatis; per te fideles homines ad sanctum baptisma pervenerunt, atque ecclesiae sunt ubivis gentium fundatae* (5).—Quin etiam *esceptrum orthodoxae fidei*, prout idem collaudavit doctor (6), praestitit illa valuitque: quae fuit eius non intermissa cura ut fides catholica perstaret firma in populis atque integra et fecunda vigeret. Complura in hoc sunt satisque cognita monumenta rerum, miris

(1) S. Bernardus *serm.* 11 *in adv. Domini n.* 5.

(2) S. Tharasius, *or.* *in praesent. Deip.*

(3) *In offic. graec.*, VIII *dec.*, *Theotocium post oden* 1X.

(4) S. Germanus constantinop. *or.* II *in dormit. B. M. V.*

(5) *Hom. contra Nestorium.*

(6) *Ib.*

praeterea modis nonnunquam declarata. Quibus maxime temporibus locisque dolendum fuit, fidem vel socordia elanguisse vel peste nefaria errorum esse tentatam, magnae Virginis succurrentis benignitas apparuit praesens. Ipsaque movente, roborante, viri extiterunt sanctitate clari et apostolico spiritu, qui conata retunderent improborum, qui animos ad christianae vitae pietatem reducerent et inflamarent. Unus multorum instar Dominicus est Gusmanus, qui utraque in re elaboravit, marialis Rosarii confisus ope, feliciter. Neque dubium cuiquam erit, quantum redundet in eandem Dei Genitricem de promeritis venerabilium Ecclesiae Patrum et Doctorum, qui veritati catholicae tuendae vel illustrandae operam tam egregiam dederunt. Ab ea namque, *sapientiae divinae Sede*, grato ipsi fatentur animo copiam consilii optimi sibi defluxisse scribentibus; ab ipsa propterea, non a se, nequitiam errorum esse devictam. Denique et Principes et Pontifices romani, custodes defensoresque fidei, alii sacris gerendis bellis, alii sollemnibus decretis ferendis, divinae Matris implorare nomen, nunquam non praepotens ac propitium senserunt.—Quapropter non vere minus quam splendide Ecclesia et Patres gratulantur Mariae: *Ave, os perpetuo eloquens Apostolorum, Fidei stabile firmamentum, propugnaculum Ecclesiae immotum* (1); *Ave, per quam inter unius, sanctae, catholicae atque apostolicae Ecclesiae cives descripti sumus* (2); *Ave, fons divinitus scaturiens, e quo divinae sapientiae fluvii purissimis ac limpidissimis orthodoxiae undis defluentes, errorum agmen dispellunt* (3); *Gaude, quia cunctas haeresses sola interemisti in universo mundo* (4).

(1) *Ex hymno Graecor.*

(2) S. Ioannes Damasc. *or. in annunc. Dei Genitricis*, n. 9.

(3) S. Germanus constantinop. *or. in Deip. praesentatione*, n. 14.

(4) *In off. B. M. V.*

Ista quae Virginis excelsae fuit atque est pars magna in cursu, in proeliis, in triumphis fidei catholicae, divinum de illa consilium facit illustrius, magnamque in spem bonos debet omnes erigere, ad ea quae nunc sunt in communibus votis.—Mariae fidentum, Mariae supplicandum! Ut enim christianas nationes una fidei professio concordēs habeat mentes, una perfectae caritatis necessitudo copulet voluntates, hoc novum exoptatumque Religionis decus, sane quam illa poterit virtute sua ad exitum maturare. Ecquid autem non velit efficere, ut gentes, quarum maximam coniunctionem Unigena suus impensissime a Patre flagitavit, quasque per unum ipse baptismum ad eandem *hereditatem salutis*, pretio immenso partam, vocavit, eo omnes *in admirabili eius lumine* contendant unanimes? Ecquid non impendere ipsa velit bonitatis providentiaque, tum ut Ecclesiae, Sponsae Christi, diuturnos de hac re labores soletur, tum ut unitatis bonum perficiat in christiana familia, quae suae *maternitatis* insignis est fructus?—Auspiciūque rei non longius eventurae ea videtur confirmari opinione et fiducia quae in animis piorum calescit, Mariam nimirum felix vinculum fore, cuius firma lenique vi, eorum omnium, quotquot ubique sunt, qui diligunt Christum, unus fratrum populus fiat, Vicario eius in terris, Pontifici romano, tamquam communi Patri obsequentium. Quo loco sponte revolat mens per Ecclesiae fastos ad priscae unitatis nobilissima exempla, atque in memoria Concilii magni ephesini libentior subsistit. Summa quippe consensio fidei et par sacrorum communio quae Orientem atque Occidentem per id tempus tenebat, ibi enimvero singulari quadam et stabilitate valuisse et enituisse gloria visa est; quum Patribus dogma legitime sancientibus, *sanctam Virginem esse Deiparam*, eius facti nuncium a religiosissima civitate exultante manans, una eademque celeberrima laetitia totum christianum

ordem complevit.—Quot igitur causis fiducia expetit-
tarum rerum in potente ac perbenigna Virgine sus-
tentatur et crescit, tot veluti stimulis acui oportet
studium quod catholicis suademus in ea exoranda.
Illi porro apud se reputent quam honestum hoc sit
sibique ipsis fructuosum, quam eidem Virgini accep-
tum gratumque certe futurum. Nam, compotes ut
sunt unitatis fidei, ita declarant et huius vim benefi-
cii se magni pro merito facere, et idem se velle sanc-
tius custodire. Nec vero queunt praestantiore ullo
modo fraternum erga dissidentes probare animum,
quam si eis ad bonum recuperandum unum omnium
maximum enise subveniant. Quae vere christiana
fraternitatis effectio, in omni vicens Ecclesiae memo-
ria, praecipuam virtutem consuevit petere ex Deipa-
ra, tamquam faulrice optima pacis et unitatis. Eam
sanctus Germanus constantinopolitanus his vocibus
orabat: *Christianorum memento, qui servi tui sunt:
omnium preces commenda, spes omnium adiuva; tu
fidem solida, tu ecclesias in unum coniunge* (1). Sic
adhuc est Graecorum ad eam obtestatio: *O purissima,
cui datum accedere ad Filium iuum nullo metu repul-
sae, tu eum exora, o sanctissima, ut mundo pacem im-
pertiat et eandem ecclesiis omnibus mentem adspiret:
atque omnes magnificabimus te* (2).—Huc propria
quaedam accedit causa quamobrem nobis, dissentien-
tium nationum gratia comprecantibus annuat Maria
indulgentius: egregia scilicet quae in ipsam fue-
runt, earum merita, in primisque orientalium. Hisce
multum sane debetur de veneratione eius propagata et
aucta; in his commemorabilis dignitatis ejus assertores
et vindices, potestate scriptisve gravissimi; laudatores
ardore et suavitate eloquii insignes; *dilectissimae Deo
imperatrices* (3), integerrimam Virginem imitatae

(1) *Or. hist. in dormit. Deiparae.*

(2) *Men. v maii Theotocium post od. IX de S. Irene V. M.*

(3) *S. Cyrill. alex. de fide ad Pulcheriam et sorores reginas.*

exemplo, munificentia prosecutae; aedes ac basilicae regali cultu excitatae.—Adiicere unum libet quod non abest a re, et est Deiparae sanctae gloriosum. Ignorat nemo, augustas eius imagines ex oriente, variis temporum casibus, in occidentem maximeque in Italiam et in hanc Urbem, complures fuisse advectas: quas et summa cum religione exceperunt patres magnificeque coluerunt, et aemula nepotes pietate habere student sacerrimas. Hoc in facto gestit animus nutum quemdam et gratiam agnoscere studiosissimae matris. Significari enim videtur, imagines eas perinde extare apud nostros, quasi testes temporum quibus christiana familia omnino una ubique cohaerebat, et quasi communis hereditatis bone cara pignora: earundem propterea adspectu, velut ipsa Virgine submonente, ad hoc etiam invitari animos, ut illorum pie meminerint quos Ecclesia catholica ad pristinam in complexu suo concordiam laetitiamque amantissime revocat.

Itaque permagnum unitatis christianae praesidium divinitus oblatum est in Maria. Quod quidem, etsi non uno precationis modo demereri licet, attamen instituto Rosarii optime id fieri uberrimeque arbitramur. Monuimus alias, non ultimum in ipso emolumentum inesse, ut prompta ratione et facili habeat christianus homo quo fidem suam alat et ab ignorantia tutetur errorisve periculo: id quod vel ipsae Rosarii origines faciunt apertum. Iamvero huiusmodi quae exercetur fides, sive precibus voce iterandis, sive potissimum contemplandis mente mysteriis, palam est quam prope ad Mariam referatur. Nam quoties ante illam supplices coronam sacram rite versamus, sic nostrae salutis admirabile opus commemorando repetimus, ut, quasi praesenti re, ea explicata contueamur, quorum serie et effectu extitit illa simul Mater Dei, simul mater nostra. Utriusque magnitudo dignitatis, utriusque ministerii fructus vivo

in lumine apparent, si quis Mariam religiose consideret mysteria gaudii, doloris, gloriae cum Filio sociantem. Inde profecto consequitur ut grati adversus illam amoris sensu animus exardescat, atque caduca omnia infra se habens, forti conetur proposito dignum se matre tanta beneficiisque aius probare. Hac autem ipsa mysteriorum crebra fidelique recordatione quum ea non possit non iucundissime affici, et misericordia in homines, longe omnium matrum optima, non commoveri, idcirco diximus Rosarii precem peropportunam fore ut fratrum causam dissidentium apud ipsam oremus. Ad spiritualis maternitatis eius officium proprie id attinet. Nam qui Christi sunt, eos Maria non peperit nec parere poterat, nisi in una fide unoque amore: numquid enim *divisus est Christus* (1)? debemusque una omnes vitam Christi vivere, ut in uno eodemque corpore *fructificemus Deo* (2). Quotquot igitur ab ista unitate calamitas rerum funesta abduxit, illos oportet ut eadem mater, quae perpetua sanctae prolis fecunditate a Deo aucta est, rursus Christo quodammodo pariat. Hoc plane est quod ipsa praestare vehementer optat; sertisque donata a nobis acceptissimae precis, auxilia *vivificantis Spiritus* abunde illis impetrabit. Qui utinam misericordis matris voluntati obsecundare ne renuant, suaeque consulentes saluti, boni audiant blandissime invitantem: *Filioli mei, quos iterum parturio, donec formetur Christus in vobis* (3).—Tali marialis Rosarii virtute perspecta, nonnulli fuere decessores Nostri qui singulares quasdam curas eo converterunt ut per orientales nationes dilataretur. In primis Eugenius IV, constitutione *Advesperascente*, anno data MCCCXXXIX, tum Innocentius XII et Clemens XI; quorum auctoritate item privilegia ampla Ordini

(1) I. Cor. I, 13.

(2) Rom. VII, 4.

(3) Gal. IV, 19.

Praedicatorum, eius rei gratia, sunt attributa. Neque fructus desiderati sunt, Sodalium eiusdem Ordinis contendente sollertia; iique extant multiplici et clara memoria testati: quamquam rei progressibus diuturnitas et adversitas temporum non parum deinde effecit. Hac vero aetate idem Rosarii colendi ardor quem initio excitatum laudavimus, similiter per eas regiones animis multorum incessit. Quod sane Nostris quantum respondet inceptis, tantum votis explendis perutile futurum speramus.—Coniungitur cum hac spe laetabile quoddam factum, aequae Orientem attingens atque Occidentem, eisdemque plane congruens votis. Illud spectamus propositum, Venerabiles Fratres, quod in pernobili Conventu eucharistico, Hierosolymis acto, initium duxit, templi videlicet exaedificandi in honorem Reginae sacratissimi Rosarii; idque Patrae in Achaia, non procul a locis, ubi olim nomen christianum, ea auspice, eluxit. Ut enim a Consilio quod rei provehendae curandoque operi, probantibus Nobis, constitutum est, perlibentes accepimus; iam plerique vestrum rogati, collaticiam stipem omni diligentia in id submiserunt; etiam polliciti, se deinceps non dissimiliter adfore usque ad operis perfectionem. Ex quo satis iam est consultum, ut ad molitionem quae amplitudini rei conveniat, aggredi liceat: factaque est a Nodis potestas ut propediem auspicalis templi lapis sollempnibus caeremoniis ponatur. Stabit templum, nomine christiani populi, monumentum perennis gratiae Adiutrici et Matri caelesti: quae ibi et latino et graeco ritu assidue invocabitur, ut vetera beneficia novis usque velit praesentior cumulare.

Iam, Venerabiles Fratres, illuc unde egressa est Nostra redit hortatio. Eia, pastores gregesque omnes ad praesidium magnae Virginis, proximo praesertim mense, fiducia plena confugiant. Eam publice et privatim, laude, prece, votis compellare concordēs

ne desinant et obsecrare Matrem Dei et nostram: *Monstra te esse Matrem!* Maternae sit clementiae eius, familiam suam universam servare ab omni periculo incolumem, ad veri nominis prosperitatem adducere, praecipue in sancta unitate fundare. Ipsa catholicos cuiusvis gentis benigna respiciat; et vinculis inter se caritatis obstrictos, alacriores faciat et constantiores ad sustinendum religionis decus, quo simul bona maxima continentur civitatis. Respiciat verò benignissima dissidentes, nationes magnas atque illustres, animos nobiles officique christiani memores: saluberrima in illis desideria conciliet et conciliata foveat eventumque perficiat. Eis qui dissident ex oriente, illa etiam valeat tam effusa quam profitentur erga ipsam religio, tamque multa in eius gloriam et praeclara facta maiorum. Eis qui dissident ex occidente, valeat beneficentissimi patrocini memoria, quo ipsa pietatem in se omnium ordinum, per aetates multas eximiam, et probavit et muneravit. Utrisque et ceteris, ubicumque sunt, valeat vox una supplex catholicarum gentium, et vox valeat Nostra, ad extremum spiritum clamans: *Monstra te esse Matrem!*

Interea divinorum munerum auspiciam benevolentiaeque Nostrae testem, singulis vobis cleroque ac populo vestro Apostolicam benedictionem permanenter impertimus.

Datum Romae apud Sanctum Petrum die v Septembris anno MDCCCVC, Pontificatus Nostri decimo octavo.

LEO PP. XIII.

CARTA APOSTÓLICA

DE NUESTRO SANTÍSIMO PADRE LEÓN, POR LA DIVINA PROVIDENCIA
PAPA XIII, Á LOS COPTOS.

LEÓN XIII, PAPA.

SALUD Y PAZ EN EL SEÑOR.

Apenas habíamos comenzado á realizar en alguna manera aquel antiguo proyecto Nuestro de restablecer ó de fortificar la unidad cristiana en el Oriente, á cuyo efecto habíamos convocado en asamblea á los Patriarcas de dicha región, cuando recibimos del clero católico de vuestro país cartas portadoras de obsequiosos homenajes y de fervientes ruegos á Dios en favor de Nuestra persona. Más tarde, hemos recibido otras misivas como las anteriores impregnadas de ardorosísima piedad filial, suscritas por los optimates de vuestra nación. Tanto las unas como las otras fueron para Nos motivo de intenso regocijo y conmovieron profundamente las fibras más sensibles de nuestro paternal corazón; porque en ambas venía con creces probado el deseo ardiente que os anima de ayudar á la grande obra de la salvación de aquellos conciudadanos vuestros que con indecible dolor de nuestra alma viven separados de la comunión y gracia de la Santa Sede Apostólica. Sentimiento es este digno por completo de la fé católica y de la verdadera fraternidad de Jesucristo. En cuanto á Nos, recibidas que fueron vuestras cartas, no hemos dejado de reflexionar un punto sobre ellas; pero creimos conveniente retardar algún tiempo su contestación, por parecer á Nos que habría de ser utilísimo á vuestros intereses el conocer de un modo más completo nuestro pensamiento, y por querer dirigiros nuestras exhortaciones apostólicas al propio tiempo de atestiguaros lo grande de Nuestra paternal solicitud.

Nos encontramos animados, como bien sabeis, de una especial benevolencia hacia vuestra Iglesia, tan ilustre, y hacia vuestra nación; no pareciendo á Nos bastantes cuantos esfuerzos vayan enderezados á libertar, tanto á la una como á la otra, de la penosísima situación á que se ven reducidas. Desde los orígenes del cristianismo, lazos muy apretados ligaron á la Iglesia romana con la Iglesia de Alejandría. Marcos, discípulo de Pedro y fidelísimo intérprete de sus designios, recibió del Príncipe de los Apóstoles

el encargo de fundar esta Iglesia, que había de llegar á ser, por tantos títulos, ilustre. Todos saben que ella tuvo á su cabeza, en la dilatada serie de los tiempos, varones insignes por la santidad de su vida, por la profundidad de su saber, por la pureza de su doctrina. Place á Nos recordar aquí entre otros á Dionisio, Pedro mártir, Atanasio y Cirilo, todos ellos, según palabras de San Celestino, constantes defensores del dogma católico (1) y cuya obediencia á la autoridad de los Pontífices romanos está fuera de toda duda, como demostrada por un gran número de hechos. Al lado de la Cátedra de Marcos, alentó aquella memorable escuela doctrinal, demostración viva del brillante papel que las ciencias humanas, sábiamente invocadas, pueden desempeñar en la explicación y defensa de las verdades divinas. Pero la gloria inmarcesible de vuestra Iglesia la constituyeron aquellos ejemplos que supo ofrecer, de virtud altísima á los hombres; hasta la posteridad más remota durará la memoria de aquellos, que obedientes á la voz del gran Antonio, transformaron las agrestes soledades del desierto egipcio en benditas moradas de la perfección evangélica.

Pero llegaron tiempos nefastos para la causa de la unidad católica en el mundo, y especialmente calamitosos para la Iglesia de Alejandría. Aun en días tan tristes, florecieron en ella hombres de sólida doctrina, que se desvelaron por demostrar las razones que abonaban el retorno á la antigua fe y á la comunión con la Iglesia romana. El día tan ansiado de la reconciliación hubo de lucir al cabo, verificándose tan venturoso acontecimiento en el gran Concilio de Florencia en el que Nuestro predecesor Eugenio IV, después de haber recibido á una numerosa y magnífica embajada de coptos y de etiopes, volvió á la gracia de la Santa Sede Apostólica á la Iglesia de Alejandría con júbilo indecible de la cristianidad. Y pluguiera á Dios que el acuerdo convenido entonces hubiera persistido: mas no tardaron por desgracia en sobrevenir nuevas causas de triste separación. A pesar de todo, los Pontífices romanos conservaron en lo íntimo de su corazón, la misma solicitud y el mismo afecto hacia aquellos hijos rebeldes; vosotros mismos, en vuestras cartas, recordais con frases de reconocimiento los nombres venerables de Pio IV, de Gregorio XIII, de Inocencio XI, de Inocencio XII, de Clemente XI, de Clemente XII, de Benedicto XIV y de Pio VII.

En cuanto á Nos, grato nos ha sido saber por vosotros mis-

(1) Ep. ad S. Cyrillum Alex, n. 1.

mos, que conservais vivo el recuerdo de la solícitud con que nos hemos ocupado en estudiar vuestros intereses desde los comienzos de Nuestro Pontificado; y más grato aun el ver con cuanta fidelidad os esforzais por corresponder á estos Nuestros cuidados. Lo primero que hicimos fué proporcionaros la ayuda y la asistencia de los Padres de la Compañía de Jesús, seguros de que habrían de servir de gran utilidad sus misiones y su aplicación á la enseñanza de la juventud, muy especialmente á la de aquellos que aspiran al estado sacerdotal. También se establecieron entre vosotros, por orden Nuestra, los Misioneros africanos de Lyon, hombres apostólicos, cuyo celo, particularmente en el Bajo Egipto, está produciendo ya frutos de bendición. Con justicia, pues hablais de sus obras, proclamándolas excelentes y fundando en ellas lisonjeras esperanzas en pró de la gloria, hoy oscurecida, de vuestra Iglesia y que con el favor divino habrá de tornar más ó menos tarde á su primitivo esplendor.

(Se continuará).

RESOLUCION DE LA S. C. DE RITOS

DECRETUM URBIS ET ORBIS

SUPER FESTUM ANNUNTIATIONIS B. M. V.

Jure sane ac merito Festum B. Mariae Virginis Dei. parae ab Angelo salutatae, ab antiquissimis temporibus institutum et penes Latiuam Ecclesiam et Graecam pari solemnitate celebratum est: siquidem Dominicae Incarnationis Mysterium tanquam ceterorum fundamentum sacra liturgia profitetur. Hinc Apostolicae Sedi supplicia vota haud semel porrecta sunt, ut festum ipsum Annuntiationis B. M. V., ad maximum r tum in Univer- sa Ecclesia evheretur. Itaque Sacra Rituum Congre- gatio in peculiari Coetu, pro nova Decretorum authen- tica Collectione evulganda, ad Vaticanum subsignata die habito, omnibus mature perensis, rescribendum censuit: Festum Annuntiationis B. M. V. die 25 Martii occurrens, in universa Ecclesia ritu dupliet primae classis amodo recolendum esse, cum omnibus juribus celebriorum festorum propriis, etsi Octava carens ob temporis quadragesimalis rationem. Ceterum, quoties- cumque vel Feria VI, in Parasceve, Sabbato Sancto hoc

Festum impediatur, toties Feria II, post Dominicam in Albis, tamquam in sede propria, ut antea, reponatur; in qua integra cum solemnitate ac feriacione et sine octava, prouti die 25 Martii celebrabitur. Quando vero illius tantummodo impediatur Officium, ad enuntiatam pariter Feriam II, amandetur, ac nennisi Festo primario ejusdem ritus ocurrente valeat impediri: Quo in casu, in sequentem diem pariter non impeditam transferatur. Die 23 Aprilis 1859.

Facta postmodum Sanctissimo domino Nostro LEONI PAPAE XIII per infrascriptum Cardenalem Sacrorum Rituum Congregationis Praefectum de hisce omnibus relatione; Sanctitas Sua sententiam ejusdem. S. Congregationis ratam habere et confirmare dignata est. Die 27 Maii, eodem anno.—CBJETANUS CARD. ALOISI-MASELLA, *S. R. C. Praefectus*.—L. † S. ALOISIUS TRIPEPI, *S. R. C. Secretarius*.

DECRETO DE LA S. C. DE RITOS

ACERCA DEL USO DE LA LUZ ELÉCTRICA EN LAS IGLESIAS.

A Rmis. locorum Ordinariis non semel postremis hisce annis exquisitum fuit, utrum in Ecclesiis adhiberi liceret lucem electricam tam ad dissipandas tenebras, quam ad pompam exteriorem augendam. Nuper vero Sacrorum Rituum Congregationi propositum fuit Dubium: «Utrum lux electrica adhiberi possit in Ecclesiis?»—Quare Emmi. Patres Sacris tuendis Ritibus praepositi in Ordinariis Comitibus, ad Vaticanum infrascripta die habitis, rescribendum censuerunt: «*Ad cultum. Negative. Ad depellendas autem tenebras. Ecclesiasque splendidius illuminandas, Affirmative; cauto, tamen, ne modus speciem praeseferat theatralem.*» Atque ita rescripserunt, et servari mandarunt die 4 Junii 1895.—CAI. ALOISI MASELLA, *S. R. C. Praef.*—L. † C.—ALOISIUS TRIPEPI, *Secret.*

Sumario de este número.—Noticias de la Santa Pastoral Visita.—Encíclica de S. S. sobre la devoción del Rosario.—Carta apostólica de S. S. dirigida á los coptos.—Resolución de la S. C. de Ritos sobre la fiesta de la Anunciación.—Decreto de la S. C. de Ritos acerca del uso de la luz eléctrica en las Iglesias.

Burgo de Osma.—Imp. de Francisco Jiménez.